

اقتصادیات

مجموعہ سی

خالد

اشترک بدلی

عثمانی مملکتی ایچون:
ییلانی بر بوجوق لیرا

اجنبی مملکتی ایچون:
ییلانی ۳۳ مارق - ۵۰ فرانک

دانه سی ۳ غروش

ییل ۱ - صائی ۳

علمی و عملی ہر نوع اقتصادی مسئلہ لردن بحث ایدر و ہر بازار ایرتہ سی کونی چیقار .

ادارہ خانہ : استانبول، سلطان حامی - معقولیان خانہ

اعلانہ بدلی

بردفعہ لبق ہر سطر ایچون:

یکرمی غروش

سنہ لک اعلان ایچون

آیر بچہ آ کلاشیلیر

۲۹ شباط، ۱۳۳۱

مجموعہ مزہ یازاجق ذاتلرک اسملری [الفبا صیراسیلہ] : آرسلان افندی، دیون عمومیه مدیر عمومیسى - احمد امین بك، دارالقنون ایستایستیق معلی - راشید بك، خارجیه نظارتی امور تجاریہ مدری - توفیق بك، دیوان محاسبات رئیسى - جاوید بك، سابق مالیہ ناظرى و قلمہ سلطانیه مبعوثى، جمال بك، معادن مدیر عمومیسى - حامد بك، عثمانی بانقہسى مجلس اداره اعضاسى - حسن تحسین بك، مالیہ مستشارى - خلاجیان افندی، سابق نافعہ ناظرى و استانبول مبعوثى - خلوصى بك، سابق نافعہ ناظرى و حجاز مدیر یوللری مدتی عمومیسى - ساسون افندی، بغداد مبعوثى - سعاد بك، خارجیه نظارتی امور اداره مدیر عمومیسى - سعید بك صنایع مدیر عمومیسى - سلیمان سالی بك، نافعہ نظارتی طرق و معابر مدیر معاونى - سلیمان سرى بك، نافعہ نظارتی نافعہ مدیر عمومیسى - ضیاكوك آلپ بك، دارالقنون اجناعات معلی - عثمان فطری بك، طرق و معابر اداره سی هیئت فنیہ رئیسى - علی خانی بك، حلب مبعوثى - علی رضا بك، امور بیطریہ مدیر عمومیسى - غالب بك، پوستہ و تہلہ غراف نظارتی قلم مخصوص مدیرى - فائق نژہت بك، مالیہ نظارتی واردات مدیر عمومیسى - فرید بك، مسكوكات مدیرى - كاظم بك، مالیہ نظارتی دیون عمومیه و معاملات تقدیه مدیرى - مصطفی بك، نافعہ نظارتی دهمیر یوللر مدر عمومیسى - مصطفی شرق بك، تجارت و زراعت مستشارى - مختار بك، نافعہ مستشارى - منیر بك، سیغورطہ لر مدیرى - نسیب بك، زراعت مدیر عمومیسى - یوسف کال بك، عدلیہ مستشارى .

سہ سنک نصف اخیرندہ ادخالات ۱۲۴۰ء، اخراجات ۱۰۴۵ء ملین
قورونہ بالغ اولمشدی . شو استاتستیکلردن آکلاشلدیغنه کورہ
بدایت حربہ تجارت خارجہ فوق العادہ بر سکتہ یہ اوغرا دیفی
حالہ بالآخرہ وضعیت یواش یواش ایلشمش وایلک حرب سہ
سنک نصف اخیرندہ ادخالات و اخراجات نصف اولک ایکی
مثلی درجہ سندی تزیاید ایتشدرد .

تجارت خارجہ نیک بو درجہ تناقص ایتسنہ سبب شودرک
ملکتندہ ایش کورہ بیلجک بتون قوتلر اعمالات حربیہ و داخلی
احتیاجاتک تسویہ سی ایچون قوللانیمش و آنجق پک آز مالک
اخراجہ مساعده اولمشدر .

تجارت خارجہ ایلہ مناسبدار ایکنجی بر مسئلہ دہا واردہ ،
اودہ قورون رایجی مسئلہ سیدر . بر سنہ ظرقندہ ادخالات، اخرا-
جادن ۶۵ء ملین فضیہ اولدینی ایچون مالک اجنیہدہ قورون
مقداری پک زیادہ چوغالمش و عرض و طلب قاعدہ سی مو-
جنبہ بالطبع قیمتی پک زیادہ تنزلہ اوغرامشدر . بزدہ محاربہ دن
اول قورون فیثائی لیرا ۲۱،۹۰ درجہ سندی ایکن کچندہ لیرا ۳۶
درجہ سندی قدر دوشمشدی . بلغارستان ، رومانیہ و سائرہدہ
حال بویلہ اولمشدر .

پارہ نیک بو درجہ تنزلہ اوغرامسی نتیجہ سندی آوستریا-مجار-
ستان تجاری خارجدن اجرا ایتدیکی مبیعات ایچون یوزدہ الی
آلمش درجہ سندی جہالی مال آلمش اولیورلردی . ادخالاتک پک
چوق اولدینی بر زماندہ بو قدر فداکارلغہ مجبور اولمق آوستریا-
مجارستان ثروت ملیہ سی ایچون پک بیوک برضرر تشکیل ایدردی .
بو حالہ چارہ ساز اولمق ایچون آوستریا - مجارستان حکومتی
[Devisenzentrale] نامیہ برادارہ مخصوصہ وجودہ کتیرمشدر .

بو ادارہ مخصوصہ بمالک اجنیہدہ قورون رایجی اصلاح
ایتمک ایچون پک مهم بعض تدبیرلر اتخاذ ایتشدرد . بو جملہ دن
اولہرق زینتہ متعلق اموال وامتہ نیک خارجدن ادخالتی تحت
منوعیتہ آلمشدر . بو صورتلہ ادخالات بر درجہ یہ قدر تحدید
ایدیلنجہ خارجدہ کی قورونلر آزمائش و بناء علیہ رایج بر درجہ یہ
قدر ایلشمشدر .

بو صوک زمانلردہ اخراجاتی چوغالمق ایچون پک جدی
تدبیرلر اتخاذ اولمش و بونلرک برچوغی موفقیئتہ نتیجہ لشمشدر .
اخراجاتی تزیاید ایتمک ایچون بعض خصوصاندہ احتیاجات محلیہ ی
بر پارچہ تضیق ایتکندنہ چکنم یورلر .

قورون رایجی اصلاح ایچون اتخاذ اولنان تدبیرلردن بری دہ
خارجدہ استقراض عقدندن عبارتندرد . بو جملہ دن اولہرق اخیراً
آلمانیدن مارق اوزرینہ بر استقراض عقد اولمشدر . بوندن بویلہ
آوستریا-مجارستان ایچون آلمانیدہ اجرا ایدیلجک مبیعات قورون
ایلہ دکل مارق ایلہ تأدیہ اولنہ جقدر . بونک نتیجہ سی اولہرق
شیمیدن آلمانیدہ موجود قورون مقداری آزمائش، قورون فیثائی
بر پارچہ یوکشمشدر .

٪ ۵ پترول ویا معدنی قطران معلولی سرمایہ شایان توصیه در .
فقط چکرکہلرہ قارشو استعمال اولنان علاجلر میانندہ الک موافق
اولان بونلری (پارس پشیل) و (آرسینی اسود) نام صودہ منخل ملجی
یکمزلہ طاتیللاشدردقندن صکرہ استعمالدر .

۳ حیاتی اصوللر . - بو اصوللردن مقصد چکرکہ نیک طبیی
دشمنلردن استفادہ ایتکدر . انواع قوشلر مثلاً صغیرجق، لیلک قوشلری
چکرکہلرک الک مدھش دشمنلردندرد . حتی آنقرہ ددہلر نیک اوقوعش
صوری طاغیدہرق بو قوشلری چکرکہلی نواحیہ جلب ایتدکری بین
الناس مشہوردر . قوشلردن باشقہ حشرات فرقه سندن برطاقم سینکدر
دہ چکرکہلرک پک مهم دشمنلردرد . بونلردن ممکتزده الک مشہوری
[Anthrax fenestrata] دینیلن سینکدر . بو سینک بالخاصہ فرات سوا-
حلندہ چکرکہ مورطہ لرینہ ٪ ۸۰ خسارات ایقاع ایتکدہد . چکرکہ
لرہ ساری خستہ لی ایصال ایدن برطاقم مقروب و منظارلردہ واردرد . بو
نوع عوامل کرچہ چکرکہ و دیگر حشراتہ بعضاً بیوک تلفاتی موجب
اولندہ ایسہدہ فن دہا هنوز بو وسائط حیاتیہ دن صنی بر صورتدہ
استفادہ چارہ سنی ساحۂ تطبیقاتہ چقاراماشدر . بو جملہ دن اولمق
اوزرہ ۱۳۲۹ سنہ سی استانبول جوازندہ ایتالیا چکرکہ سی جنسنہ
عارض اولان [Entomoptora grylli] نام منظار بیوک بر ساری خستہ
لق تولید ایدہرک بتون چکرکہلرک وجودینی پک آز بر زماندہ اورتہ دن
قالدیرمشدر . حالوکہ خستہ لغک عاملی اولان منظارک اسپورلرینی کچن سنہ
ازمیرہ کوتوروب تجربہ ایتدیکی موزدہ منظارک استانبول جوازندہ تکرر
ایچون بولدینی رطوبتی بولامادیغدن تجربہ لردہ موفق اولامادق . بومیاندہ
[Coccobacillus acridiorum] دہ ذکر ایدہ بیلیرز . ۱۳۲۹
سنہ سندی بو مقروب ازمیردہ تجربہ ایتدکمز حالہ مثبت بر نتیجہ یہ
واصل اولامادق . شو حالہ وسائط حیاتیہ شمڈیلک تطبیقاتدہ چکرکہلرہ
قارشو عملی بر فائدہ تأمین ایدہ مہمشدر . نتیجہ : چکرکہلری اتلاف ایچون
اصولک انتخابدن زیادہ منتظم بر طرزدہ وھپ بر لکدہ چالشمق، اتلاف
ایچون الک موافق اولان زمانی قاجیرماق لازمدر . بونک ایچون ممالک عثمانیہ دہ
چکرکہ مستولی اولان ولایات شمڈیلک اوزدرت چکرکہ مجادلہ مدیریتہ تقریق
ایدلش و بو مدیریتلری درت بش ساعتدن بعید اولمق
اوزرہ برطاقم مناطقہ تقسیم ایدیلوب بر قاق مناطقیہ بر چکرکہ مجادلہ ضابطی
تعین و بونلرک معینہ دہ بہر مناطقیہ ایچون بر معقب ، بر چاوش
وکافی درجہ دہ عسکر و برہلرک بر تشکیلات اداریہ وجودہ کتیرمشدر .
بو تشکیلاتدن بکنیان فائدہ صبی تفتیش ایلہ ہر کی چالشدیرہ بیلیمکدر
چونکہ چکرکہ مجادلہ سندی شرائط موفقتندن برنجیسی ہر کسکال بر لکیلہ
زمانندہ چالشماسیدر . بر طرفک چالشماسی دیگرلر نیک سعبارنیک ہبا
اولماسی موجب اولور . بر طرفدن بو تشکیلات اداریہ تأسیس ایدیلدیکی
و دیگر طرفدن دہ آرسنیق اصولی تعیم ایدہ بیلیمک و حیاتیات اصوللردن
دہ استفادہ ایتک اوزرہ بر قاق یردہ لابوراتوارلر تأسیسہ آتی دہ
بو لابوراتوارلردن الہ ایدیلجک نتائج حسنہ یی تشبیل واسکی اصوللری
ترک ایتک و بردہ تشکیلات فنیہ وجودہ کتیرمکدر . بو سنہ حرب
مناسبتہ آوروپادن یالکز یوز ایکی کیلومترو طولندہ جتقو لوحہ جلبی
قابل اولہ بیلیمشدر . بو آلت و مجلس ملینک ویردیکی تخصیصات ایلہ چکر-
کہلرک زیانلر نیک اوکنہ کچلمسی قویاً مأمولدر .

حرب اثنا سندی آوستریا-مجارستانک تجارت خارجہ سی

بتون محارب مملکتلردہ اولدینی کی آوستریا - مجارستانندہ
دہ تجارت خارجہ احوال حربیہ دن پک زیادہ متأثر اولمشدر .
۱۹۰۴ سنہ سنک نصف اخیر ی ظرقندہ ادخالات ۵۰۹ء ملیون،
اخراجات ۳۰۹ء ملیون؛ ۱۹۱۵ سنہ سی نصف اولندہ ادخالات
۹۹۲ء، اخراجات ۴۴۶ء ملیوندن عبارت قالمشدر . حالوکہ ۱۹۱۳

بغداد بیورو پولٹک طوروس و آمانوس قسملرنک انشاسی

بو هفته ظرفندہ مجلس مبعوثان طرفندن تصدیق اولنان بر لایحہ قانونیہ موجبنجہ بغداد خط کبیرینک طوروس و آمانوس قسملرنک تسریع و اکمال انشاسی ایچون حکومت عثمانیہ طرفندن شرکت مذکورہ ایہی میلیون یوز اون ایہی یک لیرالقی بر آوانس و بریلہ جکدر. مسئلہ نک اہیتنہ بناء بوکا دائر اولان موازنہ مالیه انجینی مضبوطی عیناً درج ایدیورز: بغداد دمیر یولی انشاآتہ عائد استقراضات تحویلرلرنک سنہ لردن بری دوام ایدن بحران عمومی طولانیسیلہ پیاسہیہ اخرا۔ جندہ کی عدم امکان خطک اک مشکل و اک مصرفی اقسامی اولان طوروس و آمانوس عملیاتنک ترقیسنہ قوی بر مانع تشکیل ایلہ۔ مکدہ ایدی. حال بوکہ حرب اثناسندہ عملیات مذکورہ کرمی ایلہ دوام ایدلمک لزومی حس اولندیغندن حکومت بو خصوصہ بغداد شرکتیلہ بر ائتلاف عقدی تشبثاتندہ بولندی. 'وزون مذاکرات نتیجہسندہ طرفیندن ایدیلن متقابل فداکارلقلرلہ اشبو مقالہ نامہ عقد اولندی:

مقالہ نک شرائط اساسیہ سی بروجه آتیدر:

اولاً: حکومت عثمانیہ بغداد شرکتک امرینہ انشاآتک دوامی مدتجہ ۲,۱۱۲,۰۰۰ لیرامہیا بولندیرہ جکدر. بومبلغ ۱,۳۶,۰۰۰ لیراسی شرکتہ اقراض ایدیلہ جک و ۱۷۶,۰۰۰ لیراسی دہ احوال حربیہ نتیجہ سی اولہرق عملیاتک استلزام ایدیلکی فاحش مصارفی تضمین وتلافی مقصدیلہ ویرلمش اولہ جکدر. عملیات ختام بولمہ دن اول حرب ختام بولہ جق اولورسہ ۱۷۶,۰۰۰ لیرا تمام اویرلمیوب یالکزمصارف مقتضیہ نک یوزدہ اونی نسبتندہ برشی و بریلہ جکدر. ثانیاً: شرکت کندیسنہ اقراض اولنان مبلغ ایچون ہر شعبہ نک ایشلتلمکہ باشلانیدی تاریخنندن یعنی اغلب احتمال اولہرق آمانوس (معمورہ - اصلاحیہ) قسمی ایچون ۱ تشرین اول، ۱۹۱۶ و طوروس (قرہ بیکار - طوراق) قسمی ایچون ۱ کانون اول، ۱۹۱۷ تاریخلرندن اعتبارا حکومت سنیہ یوزدہ اوچ فائض تأدیہ ایدہ جکدر. شاید مقالہ نک عقدی تاریخنندن اعتباراً بش سنہ ظرفندہ شرکت بورجی تسویہ ایتیمہ جک اولورسہ فائض مقداری بو کچن بش سنہ نک بہری ایچون ۱٪ فضلہ فائض تأدیہ سنہ مجبور اولہ جکدر. کذلک بش سنہ نی تعقیب ایدن اوچ سنہ ظرفندہ ینہ تأدیہ ایتدیکی تقدیردہ بو اوچ سنہ نک بہری ایچون ۱٪ فضلہ فائض الخ تأدیہ ایدہ جکدرکہ بو صورتلہ فائضک مقداری یوزدہ دردہ کلور دیمکدر.

ثالثاً: حکومت سنیہ بغداد شرکتہ اقراض ایتدیکی مبلغ ایچون کندیسنک بومبلغی استقراض ایتدیکی زماندہ معین اولان مقدار فائضدن یوکسک بر فائض اعطاسنہ ایلرودہ مجبور اولہ جق اولورسہ بو فضائ فائضی دہ بغداد شرکتی حکومتہ نقداً تأدیہ ایدہ جکدر.

ایشتہ بو شرائط اساسیہ دائرہ سندہ عقد اولنان مقالہ نک حکومتہ تحمیل ایتدیکی فداکارلق خطک بر آن اول انشاسندن انتظار اولنان فوائد عسکریہ، اقتصادیہ و مالیہ ایلہ قابل قیاس دکلدرد.

قورون آلیش ویریشندہ مضر بر سپہ کولاسیونک اوکئی الملق مقصدیلہ خارج ایلہ معاملات مالیه حکومتک رسمی بانقہسندہ تمرکز ایتدیرلمشدر. بو تمرکز سایہسندہ خارجی پیاسہلر ایچون یالکز احتیاج مبہم درجہسندہ اوللق اوزرہ تقدیر اولنان تأدیات اجرا اولنیور. سپہ کولاسیونہ قطعاً میدان بر اقلیمور، تأدیات قورونہ حصر ایدلمیوب داخل مملکتندہ موجود اولان خارجی پارہلر دخی استعمال اولنیور.

بو تدبیرلر سایہسندہ بر آردلق قورون رایجی کچندہ ۳۶ ایکن اوتوز برہ قدر چقیدی. فی الواقع صوک زمانلردہ رایجہ یکیدن بر تنزل وقوعبولمشدہ یقیندہ یکیدن صلاح بولہ جفی. اغلب احتمالاندرد.

بعض آوستریا غزتہلرنک ادعاسنہ کورہ آوستریا - مجارستان رسمی بانقہسنگ بانقہدہ کی آلتون و کموش پارہ موجودی حقدہ معلومات ویرمہ سی دخی قورون رایجی اوزرینہ سوء تأثیر اجرا ایتمشدر. فقط، انکلز غزتہلرندہ کوریلن معلوماتہ کورہ آوستریا - مجارستان بانقہسنگ آلتون موجودی ۱۹۱۴ تموزندہ یعنی حرب عمومیہ نک آغازلندن اول ۱۰۶۷ میلیوندن عبارت ایکن ۱۹۱۵ سنہ سی نہایتندہ بومقدار ۱۰۴۰ میلونہ تنزل ایتمشدرکہ بوتناقص حقیقتہ موافق اولسہ بیلہ نسبتہ شایان اہمیت دکلدرد. بعض آوستریا غزتہلری بو کتومتیدن طولانی حکومتی تنقید ایدیورلر. داخلی تجارت عالمی دخی حربک بدایتندہ دہشتلی بر سکتہیہ دوچار اولمشدہ صوک زمانلردہ بر جوق شعبات تجارتندہ حال طبیعی عودت ایتمشدر. از جملہ لوازم حربیہ اعمالات و تجارتیلہ مشغول اولانلر پک جوق پارا قازانمشلردرد. ویانہ وپشتہدہ بانقہلر اسہام حصہ دارلرینہ ۱۹۱۴ سنہ سی ایچون وسطی اولہرق یوزدہ ۸-۹ درجہسندہ بر حصہ تمتع توزیع ایتمشلردرد.

سخی ذاتی ایلہ کچین ارباب عمل [proletaires] میانبدہدہ رفاه حال اکسک اولمہ مشدر. بونلردن قسم اعظمی تحت سلاحہ دعوت اولندقلرندن مملکتندہ قالانلر ایچون پک جوق ایش قالمش. نتیجہ اعتباریلہ اجورات ایشلمش، بعض صنایعدہ یوزدہ الی وحتی یوز درجہسندہ یوکسکلمشدر.

آوستریا - مجارستان حیات اقتصادیسنہ محاربہ دن صکرہ حسن تأثیر اجرا ایدہ جک اولان تجلیاتدن بری دہ قادینلرک کرک صنایعدہ، کرک تجارتندہ و شمعی بہ قدر بیکانہ قالدینی بر جوق شعبات اقتصادیہ دہ قولانیلماسیدر. قادینلر کندیلرینہ تودیع اولنان ایشلرک اکثریسنہ حیرتبخش بر موفقیت ابراز ایتمشلردرد. یوز بیکلر جہ قادینک استحصالاتی احوال حاضرہ ایچون بیوک بر عامل رفاه اولدینی کبی محاربہ دن صکرہدہ بیوک بر عنصر ترقی تشکیل ایدہ جکدر.